

**رنجان ففارغ**

مبوك اوسها دمان ۲ اكن ترچافي.  
اوسها ۲ يغ سماچم اين كالو  
تيدق لكس دبواة كلق بوكن سهاج  
مروكيكن تنافي اكن مرمبهيكن  
كادان دان كسجهتران نكارا.

\* \* \*  
**فنجلاس يغ تفة**

بهارو ۲ اين ددالم اخبار  
ترسيار تودهن دري نكارا عرب  
سلان مپتان بهوا كراجان عربيه  
سعوديه منكه اورغ ۲ دري نكارا  
عرب سلان درفد منونيكن فرض  
حج كمكه تاهون اين. برتا اين  
سايبس لالو تيدق اد ارتين تنافي  
افبيل دكابتكن دغن فركمباغن  
فوليتيك دنكارا ۲ عرب جلس بهوا  
اي برتوجوان فروباكاسي انتوق  
مبوروقن كراجان عربيه سعوديه  
يغ منجادي خدم دوا حرمين  
الشريفين. برتا ايت كالو تيدق  
سكرا دنافيكن اوله كراجان يغ  
بركنان بوله جادي منيمبولكن  
فنداغن بهوا تانه سوچي ايت  
اداله دمونوفولي اوله فقاوون.

دانوء سيد ابراهيم بن عمر  
السقاف، قنصل اكوغ عربيه  
سعوديه دغن چرگس تله مقلواركن  
فنافين دان فنجلاس بهوا  
كراجان عربيه سعوديه تيدق فرنه  
ملاكونك سسوات يغ مناهن  
اورغ ۲ مفرجاكن حج ولو دري  
مان داتغن سكاليفون. هپاسان  
كراجان عربيه سعوديه اداله  
سباكي يغ برتفكوغجواب خادم  
باكي دوا حرمين اين تنتوله  
برتفكوغجواب انتوق منجاك

كامان كسلامتن دان كسفرنان  
اورغ ۲ يغ مفرجاكن حج دان دغن  
دمكين، افبيل فد ماس ۲ يغ تله  
لالو فرنه برلاكو اد اورغ ۲ يغ  
فركي كحج مپلودوف مپاوا  
سنجات ۲ يغ بوله مروسقن  
كامان مك توكسن سباكي فقاوون  
واجب مرقسا اورغ ۲ يغ داتغ  
ايت دغن تليتي تراوتمان دري  
نكارا ۲ يغ مننجوقن فرموسهن ۲  
كفد كراجان فد ماس ۲ يغ تله  
لالو.

كالو سكيران فيلدوفن تيدق  
دكاوون دان دجاك دغن تليتي  
سوده بارغ تنتو اي اكن مروسقن  
كامان بوكن سهاج كفد رعيه  
عرب سعوديه تنافي كفد  
برميليون ۲ اورغ يغ داتغ منونيكن  
فرض حج كبيت الله الحرام يغ  
برحاجه كفد سواسان امان دامى  
دان تنغ.

توكس منجاك كامسوقن  
اورغ ۲ سامقام ايت سميشن  
واجب. كيت تنتو مليه بهوا  
بوكله كراجان عربيه سعوديه  
مناهن كران اورغ ۲ ايت دري  
نكارا سوشيايس اتو كومينيس  
داتغ كسان اصلكن اي اسلام. اين  
تربوقتي بيراف بايق دري نكارا ۲  
ايروفه كومينيس دان سوشيايس  
يغ داتغ - دري نكري چينا  
كومينيس يغ تيبا اصلكن اي  
اسلام منونيكن فرض حج دغن  
امان دان دامى اداله دبزنكن تنافي  
ادكه سسبواه كراجان ددالم دنيا  
اكن مبنزن كامسوقن اورغ ۲ يغ  
باكل مروسقن كامان دان  
كسجهتران دسببواه تمفة

تراوتمان ددالم كمفون يغ بكيو  
رامى؟  
كيت هارف كراجان عربيه  
سعوديه اكن برتيدق دان تروس  
برتيدق كفد سسياف فون يغ  
اكن مروسقن كامان اورغ  
تراوتمان دموسيم حج دان اورغ  
يغ داتغ دغن سمات ۲ برتوكس  
مپفرنانك حج كراجان عربيه  
سعوديه تروس مپوكاكن فينتون  
كفد سسياف فون ولو اف  
سكاليفون ايدولوجي فوليتيكن  
اصلكن اي اسلام دان تيدق  
مقاچو كامان.

Buku Baru. Istimewa.

**RISALAH  
PENDIDIKAN  
DAN  
KELUARGA**

Kumpulan dari kata2  
dan nasihat yang berharga  
Al-Imam Al-Shahid Hasan  
Al-Banna Pemimpin Al-  
Ekhwanul-Muslimin yang  
mustahak di-jadikan pan-  
duan hidup di-dalam suatu  
masyarakat Islam yang  
bergerak maju.

Mustahak di-bacha oleh  
pemuda dan pemudi Islam  
angkatan baru yang chinta-  
kan Islam.

Sa-buah \$1.00  
Pesan-lah kepada:

**QALAM**  
8247, Jalan 225,  
Petaling Jaya,  
Selangor.